

欽定四庫全書

茶山集卷一

五言古詩

尋春次曾宏甫韻

案曾宏甫名惲遊宋光宗諱以字行紆之子羣之姪孫陳振孫

書錄解題曾氏三望最初溫陵公亮次南豐羣兄弟其後則紆之族集中贈宏甫必冠以曾蓋以明同姓不宗之意

春山數峯青春水一溪綠幽尋山水間物物可寓目花

宋 曾幾 撰

七言絕句

乞梅曾宏甫二首

尋梅不惜上南坡
傍險衝泥奈老何
寂寞僧窓禪榻畔
好枝還解送人麼

臘前臘後無非雪
溪北溪南盡是梅
知有家山難覓路

欽定四庫全書

敢煩健步送春來

覓梅

欲尋梅去不禁寒
宜著書籤研滴間
聞道南坡開似雪

畧分疎影到茶山

消梅花

未見枝間着子初
聞名已療渴相如花
肌自是冰和雪

那得生兒不似渠

黃香梅

宋 曾幾 撰

定庫書

欽四全

茶山集

中國書店

宋·曾幾撰

茶山集

中國書局

圖書在版編目 (C I P) 數據

茶山集 / (宋) 曾幾撰. —北京 : 中國書店,
2018.2

ISBN 978-7-5149-1901-1

I. ①茶… II. ①曾… III. ①宋詩 - 詩集 IV.
①I222.744

中國版本圖書館CIP數據核字(2017)第319143號

四庫全書·別集類

茶山集

作者 宋·曾幾撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 山東汶上新華印刷有限公司

開本 730毫米×1130毫米 1/16

印張 17.5

版次 二〇一八年二月第一版第一次印刷

書號 ISBN 978-7-5149-1901-1

定價 六〇元

欽定四庫全書

集部四

茶山集

別集類三

南宋

提要

臣等謹案茶山集八卷宋曾幾撰幾字吉甫

贛縣人徙居河南以兄弼卹恩授將仕郎試

吏部優等賜上舍出身歷校書郎高宗朝歷

江西浙西提刑忤秦檜去位僑寓上饒茶山

寺自號茶山居士檜死召為秘書少監權禮

部侍郎提舉玉隆觀年七十九致仕越三年卒謚文清陸游為作墓誌云公治經學道之餘發於文章而詩尤工以杜甫黃庭堅為宗而魏慶之詩人玉屑云茶山之學出於韓子蒼蓋韓駒詩法得自庭堅而庭堅又刻意以學杜甫句律淵源遞相祖述其實一而已矣後幾之學傳於陸游加以研練面目畧殊遂為南渡之大宗殆有出藍之譽然幾詩風骨

高騫而含蓄深遠介乎豫章劍南之間亦豈
遽為蜂腰哉趙仲伯題其集曰清於月白初
三夜淡似湯烹第一泉咄咄逼人門弟子劍
南已見一燈傳是當時固有公論也墓誌稱
有文集三十卷易釋象五卷易釋象已不傳
其集則文獻通考及宋史均作十五卷然通
考列之詩集類中疑三十卷者指其詩文全
集而十五卷則專指詩集也自明以來傳本

久佚僅僅散見各書偶存一二茲從永樂大典中搜採編輯勒為八卷凡得古今體五百六十一首雖不足盡幾之長然較相傳九百一十之數所佚者不過三百四十九篇耳殘膏賸馥要足沾丐無窮也乾隆四十九年閏三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

茶山集卷一

宋 曾幾 撰

五言古詩

尋春次曾宏甫韻

案曾宏甫名惇避宋光宗諱以字行紆之子鞏之姪孫陳振孫

書錄解題曾氏三望最初溫陵公亮次南豐鞏兄弟其後則幾之族集中贈宏甫必冠以曾蓋以明

同姓不宗之意

春山數峯青春水一溪綠幽尋山水間物物可寓目花

香若三薰柳色若新沐吾儕幸閒放晴晝頗連屬胡為
深閉門終日仰看屋嘉招儻亟拜豈敢憚僕僕請君攜
壺去政恐日不足小槽雖蜜甜何必待醺醪茗事姑置
之雷車困枵腹宏甫詩有家貧只舊醕不辦樽中醪但
煮官焙香炊飯鱸魚腹之句且云家釀
甜甚不堪饗客也

次范益謙遷居九江經過上饒見贈韻

君為九江行意有風雨快維舟玉溪畔未割故人愛停
杯一問我請以所聞對九江萬事好賞詠看前輩巖巖

匡俗廬

案後漢書郡國志注釋慧遠廬山記畧有匡俗先生出殷周之際隱居此山時謂所止為仙人

之廬而命焉又案豫章舊志匡俗字君平夏禹之苗裔也原本避宋太祖諱作正俗今校改

頂踵極

高大其中藏曲折願勿遺瑣碎煙波湓浦游風月庾樓

會以茲供筆硯安得有蕪累矧君著幽禪直欲入三昧

飽參山南北毋問人顯晦歸來亦何云聖處果安在要

知方策間即有文字外我今如是說初不墮荒怪屋漏

實臨之斯言尚無愧

次陳少卿見贈韻

少卿令德公不肯入州府種花養風煙藝木蔭庭宇了
無適俗韻真可與晤語永懷君詩句

少卿詩說往時行
朝以雪句唱和

淨洗我塵土如何百里間此秘久未覩今晨款荆扉老
氣壓方虎新詩疾雨風妙字列行伍華宗有后山句律
嚴七五豫章乃其師工部以為祖君方討淵源奚啻窺
牖戶我貧無一錢不敢學農圃空餘數卷書腸腹自撐
拄

陳卿又和三首而仲通判亦三作嚴教授再賦皆

有見及語予不可以無言故復次韻

官屬邃中書朝班高太府

陳卿貳太原府兼中書檢正

陳卿掉臂去

偃仰一茅宇臨池看魚樂坐樹聽鳥語脩竹手所栽薪

萌爭上土天開重新運聖作萬物覩會合如風雲吹噓

者龍虎陳卿落閒處問孰與為伍毛穎傳中人渠儂適

成五詩章出咳唾流泝考宗祖仲嚴更獻酬胸次非小

戶覽觀不暇給爛若花藥圃可畏韻險艱浮梁裊相拄

案此句用杜甫龍門閣詩

全句原本誤景今改正

沈明遠

作詰

教授用東坡仇池石韻賦予所蓄英

石次其韻

維南有綠溪溪石如水綠瞻相百里間抱負一夫足聲

名作災怪攻取及背腹在者略無奇溪神為顰蹙蠻烟

瘴雨地故舊實州牧坐令數峯青飛過大江瀆何嘗說

何人恐類和氏玉公然遭奪攘不使得藏伏廣文到吾

廬索隱妙著卜東坡韻險艱句句巧追逐幽人所好山

已占一林谷又兼小崢嶸無乃太多欲端如耐久朋相

與會心曲大勝輕薄兒浮雲變何速

次綠字韻

舍前南山青舍後北山綠捫蘿陟其巔策杖遶其足中

間竒絕處表裏見心腹登臨豈不佳老境日以蹙誰知

怪石供能坐我郊牧政應索幽遐何憚越川瀆嶽嶺庾

嶺南美者色蒼玉賞音無東坡尤物多跼伏仇池嵩南石也今

年致書求屢以可否卜故人為遣送健步遠相逐雖非

古仇池要是好崖谷似為天所矜此段獨從欲深慚昇

致重路轉知幾曲安得滄海神鞭咎使之速

還守台州次陸務觀贈行韻

蟬噪高柳岸鷺飛遠沙汀蕭然感予懷清靜游神庭老
樹失故綠殘芳謝微馨胡為趣召節日日晨昏星放纜
西興渡落帆浙江亭恭惟陛下聖萬國瞻儀刑黼座懸
日月孤燈耿熒熒况復如許病自知不能廷所以乞閒
散庶幾守沈冥方虞秋霜嚴翻得春露零再聞芸草香
一洗海物腥父老喜我來無異化鶴丁兒童喜我來小

駟騎青青諒有隔生契不然定誰令四海習鑿齒幾年
讀書螢新詩中律呂雖美無人聽鳴聲勿浪出坐待軒
皇伶

次折仲古避寇潯州韻

我持十口家不辦一葉船賊聲日夜急欲濟江無邊身
雖墮簪弁仰視猶有天天理儻未爽偷兒浪垂涎洗心
占羅池稽首依靈泉竟以妻子免百神果昭然得從潯
江遊未斷龍城緣為問米何如買禾可論廛向來魚菜

市十戶八九旋令我喜折屐喜定翻悲憐王師靜江南
趨者人摩肩一日百回首我非強項宣盛欲徑梅庾不
然傍柳連鮮終孔方兄留滯等謫遷尚念吾鼻祖永懷
舊山川往還武城居家風到今傳我方尋昨夢一舸百
竿牽而公下劈箭

案劈箭二字見韓愈岳陽樓詩原本箭誤剪今改正

如駟駿得

鞭江村索居地未敢高枕眠世事公等在歸與有逢年
次雪峯空老韻二首

雪峯僧中龍此道誰與共蕭然雨伽陀不舉似大衆獨